

痧脹

玉衡

後卷

後記

康熙乙卯冬。或詢余痧症始發。何以卽知其爲毒熱。而有瘀血乎。余曰。痧在肌膚者。利用刮。刮之見點於肌膚。有紅有紫。紅者爲熱。紫者爲熱盛。猶之痘疹。紅紫色。當斷之爲血熱矣。痧在血肉者。利用放。放之紫黑惡血流出。卽知毒瘀於血矣。且痧筋有現有微現。有乍隱乍現。有伏而不現。其現者。放之而毒流。微現。或伏者。必有瘀血惡毒。攻擊於臟腑間矣。余於是疾。往往兼用活血破瘀之味。固所宜然。不足恠也。若病。

在血分而不知治。所謂失之毫釐。病家昧昧於所從。便已差之千里。如此疾變。世俗易愚。哀哀真救。余故再爲之辭。更見禪僧痧脹。愈後不復再發。以無葷腥故也。自今而後。凡遇痧患得愈者。當知所戒。卽無屢發之患。凡症屬凶危。有似是而非。不識致斃。如似傷寒而非傷寒。似瘧疾而非瘧疾之類。或虛實難明。陰陽交錯。往往有痧毒雜焉。俱當用看痧法辨之。如果真痧。認之的確。急宜救療。愚意天生君子。同此不忍。決不以予爲妄而鄙之焉。

痧脹玉衡書後卷目次

痧脹看症法

放痧辨

痧脹麻疹不同辨

痧脹治猶麻疹論

痘痧穢觸相同

兼痧傷寒不同辨

諸痛類痧辨

諸症不類痧辨

論脹

凝壅聚結辨

治痧收人脈論

痧筋統說

傷風痧脈辨

眩暈痧脈辨

痧脹舌胎論

痧疹兼痧脹

痧脹兼麻痧

痧脹類麻疹

麻痧後復痧脹

麻疹夾痧脹蛔

傷寒黃痘兼痧

痧類陰症

呃逆痧

盤腸痧

白汗盜汗驚惶痧

痧類三瘡

咽喉諸症兼痧

口舌兼痧

類瘋痧

黃氣病兼痧

翻胃噎膈痧

筋骨疼痛痧

箭風痧

久瀉肉瘦痧

婦人隱疾痧

脚氣痧

耳痛痧

手臂痛痧
巡右胸著

腫毒夾痧辨

刺螫瘟痧

地葡瘟痧

痧變發願
症不合脉或云

急救逆症要法

癰症兼痧
食積阻滯者有

麻木酸痒痧

頭虛足腫痧
阻於下又或

黃疸痧

小兒夜啼痧
辨症的確求

驚風痰熱痧

死症痧
之不合先看痧筋

羊毛瘟痧

痧脹破迷論

痧脹玉衡書後卷

橋李鄴志選右陶著

痧脹看症法

治病須憑脉。若犯痧脹。則脉不對症。症不合脉。或云。痧筋爲據。亦惟現外焉。且痧脹有爲食積阻滯者。有爲血痰阻滯者。或阻於上。或阻於中。或阻於下。又或阻於左。或阻於右。或阻於兩腰脇。苟非辨症的確。求其中病也難矣。故治痧脹。一見脉之不合。先看痧筋。次審氣色。三聽聲音。四推犯病之由。其間或有食積。

血痰阻於上中下左右各處之分。須細辨其病原。後用藥不誤也。凡痧脉有一部獨異。有六脉俱異。卽有異之中。亦有陰陽虛實。脉之神氣可辨。要非一端可執。尚其審諸。

放痧辨

或曰子於痧也。有先用藥而放刮者。有先放刮而用藥者。非放與刮治更無別法與。曰放刮之法。猶犯傷寒太陽經症。必用羌活麻黃等藥。少陽經症。必用柴胡黃芩等藥。症有所犯。治有所宜。凡氣分有痧。宜用

刮血分有痧宜用放此不易之法至臟腑經絡有亦
若昏迷不醒等症非放刮所得治兼用藥療之無足
怪也。

痧脹麻疹不同辨

麻疹之發因傷風熱故身體壯熱咳嗽煩悶卽是癍
疹之候麻疹在他方有名厝子有名蚤疹在檇李則
名痧子而痧脹亦名爲痧不可不辨麻疹因傷風肌
表必虛虛則毒氣乘虛而泄故藥雖或涼仍可用熱
飲若痧脹或因穢氣所觸或因暑氣所感或動時行

不正之氣。或乘伏寒。伏熱過時而來。總不起於外。傷風熱。故肌表必實。實則熱毒之氣。既脹於胸腹腸胃之中。若更用熱飲。則熱氣適助其腫脹。無從而泄。故犯此者。有立時脹死。此不可不辨也。

痧脹治猶麻疹論

麻疹之發。必欲盡透。故治麻疹。須要見於肌表者多。多則毒氣俱泄。然後腸胃不留餘毒。治痧在肌表者。用刮在血肉者。用放。亦猶治麻疹。須盡透肌表之謂也。

痘麻穢觸相同

痘瘡爲穢氣所觸。卽時作變。痧脹也。麻疹爲穢氣所觸。卽時反隱。亦痧脹也。若暑氣時行不正之氣。感爲痧者。詎無相類者與。

治驗

一陳姓婢十四歲。四月壯熱煩悶。腹痛身重。癰痧遍體。脉微而細。觸穢之症也。閱腿灣痧筋。放七鍼。手指放十餘鍼。俱紫黑。毒血煩悶稍鬆。用寶花散。阿魏丸。清茶微冷飲之。又付活血順氣之劑。腹痛

遂止。痘痧漸散。身體輕快。痘卽起發。視其形色。已四朝矣。後皆如期。負膿收靨而愈。可見痘中觸穢。因痧而隱者。比比也。

兼痧傷寒不同辨

犯傷寒者。有外感三陽之寒。有直中三陰之寒。兼痧者。非可俱兼也。痧者。熱毒也。熱毒入裏。內作腫脹。熱毒發外。肌膚腫脹。或升頭面。或散四肢。此等惡疾。俱由熱毒之氣所攻也。若直中三陰之真寒症。無有兼痧者。蓋三陰旣已直中。則熱氣爲寒氣所拒。無由而

入也。至於外感三陽。或先受痧而感寒。或先受寒而感痧。或痧毒驟發。熱極而生寒戰。甚至手足厥冷。則俱有之。若先有痧而感寒者。知其慢痧。方可暫散寒邪。而後治痧。先有寒而感痧者。痧症爲重。當先治痧。而後治寒。至如痧毒驟發。熱極而生寒戰。手足厥冷者。緊痧也。若一誤用發散。升提溫飲之藥。須防時刻凶危。急用涼水飲之。稍解胸腹中熱脹之氣。然後或刮或放。用藥治之。

諸痛類痧辨

腹痛不一。有食有氣。有火有冷。有虫有積。俱似痧。非
痧。不可無辨。食者。失饑傷飽。聚中脘作痛。其症遇食
卽疼。胸膈飽悶。似痧者一。然按脉氣口必然有力。可
辨。若因冷食入胃。食與寒氣相搏於中。則心脾鬱結。
胸脇滿悶。中脘作疼。似痧者二。然按脉氣口必然無
力。但有嘈雜衝胸。噯氣吞酸。可辨。氣者。因怒氣所傷。
不得發越。胸膈氣塞。衝激心脾。嘔逆惡心。吐不能出。
其疼手不可按。坐臥不定。奔走叫呼。似痧者三。然按
脉兩關必然洪大。餘部俱必應指。及刮之無痧。痧筋

不現可辨火者。因熱作痛。胃火上逆。嘔吐酸水。必然口渴欲飲。飲入卽吐。其症手足溫煖。面帶陽色。似痧者。四然按脉。六部洪數。又與痧類。難以細分。必看痧筋。兼用刮法可辨。冷者久屬虛寒。沉寒作痛。其脉必然平軟。似痧者五。但飲熱則安。飲冷痛發。可辨出者。胃脘疼痛。有如刀觸。痛極按心搔爬難定。兼之脉息無倫。徐疾不一。似痧者六。然虫必有因。各有所喜。如茶虫喜食茶葉。糖虫喜食糖物。或泥或絮。或酒或鹽。其爲虫也。必有一好。食之便安。若遇柝榔五靈脂殺。

虫等藥或藥性力薄不能驅逐而出勢必咬齧翻動
腸胃更加疼痛可辨積者舊有宿積聚結腸胃忽因
行動作痛作疼似痧者七然痧筋罕現刮痧無影可
辨如是辨之的確方知痧痛詳明治之得法然此諸
痛又有兼痧者將論脉閱筋而加察焉鮮有不得其
理矣

諸症不類痧辨

凡心腹脹痛因痧既知之矣痧症仍有不痛不脹者
或兼痧或暗痧誤飲溫熱便致凶危等也余竊謂凡

遇危症病家不識痧筋。猶用刮痧。可辨醫家或認脉不清。尚有痧筋可詳。若內人不便閱視。果緣痧脹。凶極。脉未有對症者。以是辨之。百不失一也。

論脹

脹者。氣之閉也。氣爲毒壅。故作腫作脹。所以治痧。先當治氣。如食阻其氣於上。則吐之。食壅其氣於中。則消之。食化而結其氣於下。則導之。凡諸積之阻滯。概然。凡下竅閉者。多上吐。或吐蛔。或吐血。當導氣於下。中竅閉。則下瀉。或瀉水。或瀉蛔。當行氣於中。上竅閉。